

“Të sfidojmë hapësirën e shoqërisë civile të Ballkanit Perëndimor, e cila po tkurret dita-ditës”



Së bashku...

Prej muajit Korrik 2022, 5 organizata të shoqërisë civile, aktive në shtetet fqinje të Ballkanit Perëndimor si Shqipëri, Kosovë, Maqedoni e Veriut dhe Bosnjë Hercegovinë, bashkëpunojnë për të sfiduar hapësirat e shoqërisë civile, të cilat po tkurren nga një sërë faktorësh si: situata jo e qëndrueshme politike, informaliteti në tregun e punës, emigrimi i të rinjve dhe profesionistëve nga vendi i origjinës, masat represive dhe burokratike të vendosura nga aktorët qeveritarë dhe institucionalë etj.

Objektivat

- Kontribuojmë në forcimin e shtetit të së drejtës dhe monitorojmë nivelin e garantimit dhe mbrojtjes të të drejtave të grupeve të marginalizuara e pakicave kombëtare.
- Promovojmë bashkëpunimin ndërmjet aktorëve të shoqërisë civile, për të luftuar efektivisht intolerancën, diskriminimin, ekstremizmin e dhunshëm, si dhe përdorimin e gjuhës së urrejtjes e përhapjen e lajmeve të rreme.
- Mbështesim mbrojtësit e të drejtave të njeriut (HRD) për të advokuar dhe reaguar në kushtet e tkurrjes së hapësirës së shoqërisë civile.

Cilat janë synimet tona?

1 Të kontribuojmë në forcimin e grupit të organizatave të shoqërisë civile në Ballkanin Perëndimor nëpërmjet iniciativave të përbashkëta dhe takimeve të rregullta.

2 Të ndikojmë në politikëbërje në zbatimin të rekomandimeve të OSBE mbi mbrojtjen e të drejtave të njeriut dhe lirive themelore.



3 Të vlerësohet situata dhe ndikimi që ka sektori i shoqërisë civile në bashkëpunimin e qëndrueshëm rajonal.

4 Të adresojmë shkeljet e konstatuara ndaj të drejtave dhe lirive themelore të aktivistëve të shoqërisë civile.

Aktivite gjatë vitit 2022

Organizata partnere "Komitetit i Helsinkit për të Drejtat e Njeriut në Bosnje Hercegovinë" ka kontribuar në:

- Mbrojtjen efektive për garantimin e të drejtave të aktivistëve dhe trajtimin me dinjitet të tyre pas arrestimit gjatë zhvillimit të një proteste.
- Sfidimin e tkurrjes që po pëson hapësira e shoqërisë civile nëpërmjet një takimi me përfaqësues të OSHC-ve duke vënë theksin në përgjegjësinë e institucioneve kompetente për zbatimin e sanksioneve ndaj zyrtarëve/individëve të cilët përhapin gjuhën e urrejtjes dhe kërcënojnë aktivistët mbi bazën e paragjyqimeve.
- Ndërgjegjësimi për gjuhën e urrejtjes së përdorur ndaj përfaqësuesve të shoqërisë civile nëpërmjet zhvillimit të një fushate kombëtare online.



Organizata partnere "Komiteti i Helsinkit për të Drejtat e Njeriut në Serbi" ka advokuar në:

- Verifikimin e garantimit të të drejtave dhe trajtimin me dinjitet të një protestuesi i cili për shkak të veprimeve të tij gjatë protestës "ECO" u dënua me 10 muaj burgim.
- Sfidimin e gjuhës së urrejtjes që përdoret ndaj përfaqësuesve të shoqërisë civile dhe adresimin e mesazheve të përbashkëta ndaj autoriteteve publike për vendosjen para përgjegjësisë ndaj cillitdo që e përhap atë.
- Promovimin e lirisë së medias, lirisë së tubimit dhe ndërgjegjësimin për gjuhën e urrejtjes, nëpërmjet fushatës kombëtare online.

Organizata partnere "Komiteti i Helsinkit për të Drejtat e Njeriut në Maqedoninë e Veriut" ka kontribuar në:

- Mbrojtjen e të drejtave të komunitetit LGBTIQ+ nëpërmjet realizimit të takimeve me përfaqësues të këtij komuniteti mbi garantimin efektiv të të drejtave të tyre.
- Sfidimin e hapësirës së shoqërisë civile, e cila po tkurret, nëpërmjet një takimi me përfaqësues të OSHC-ve dhe përcjelljen e shkresave zyrtare institucioneve përkatëse për mungesën e mbështetjes sistematike dhe tendencën e përfshirjes së OJF-ve në procese vetëm në mënyrë deklarative.
- Promovimin e produkteve dhe aktiviteteve të ndërmarra, nëpërmjet fushatës kombëtare online për mbrojtjen e të drejtave të komunitetit LGBTIQ+, ndërgjegjësimin për gjuhën e urrejtjes dhe tkurrjen e hapësirës së shoqërisë civile.



Komiteti Shqiptar i Helsinkit ka kontribuar në:

- Verifikimin e nivelit të respektimit të të drejtave procedurale ligjore të një gazetari i cili pretendohet se kishte përhapur lajme të pavërteta ndaj një ish përfaqësuesje të sistemit të drejtësisë.
- Sfidimin e hapësirës së shoqërisë civile e cila po tkurret nëpërmjet një takimi të përbashkët me përfaqësues të shoqërisë civile, ku u dakordësua mbi mundësinë e krijimit të një grupimi informal me synim realizimin e bashkëbisedimeve periodike e sistematike mbi trajtimin e sfidave e vështirësive, si dhe reagimin e përbashkët mbi situata e kauza që prekin sektorin.

Organizata partnere "Qendra Kosovare për Rehabilitimin e të Mbijetuarve të Torturës" në Kosovë ka advokuar në:

- Verifikimin e situatës së respektimit të të drejtave të protestuesve të arrestuar dhe trajtimin dinjitoz në protestën e datës 01 dhjetor 2022 për dhunën e ushtruar në familje, nëpërmjet misioneve monitoruese në stacionet e policisë.
- Fuqizimin e hapësirës së shoqërisë civile nëpërmjet takimeve me përfaqësues të OSHC-ve për "Lënien pas të së kaluarës" dhe identifikimin e sfidave aktuale të hasura dhe rritjen e bashkëpunimit.



"Ky material është prodhuar nga Komiteti Shqiptar i Helsinkit në kuadër të nismës "Drejt një bashkëpunimi më të madh ndërkulturore, ndërjetar dhe ndërjetar në Ballkanin Perëndimor", mbështetur nga Austausch, një organizatë jofitimprurëse, Platforma e Solidaritetit Qytetar dhe me mbështetjen financiare të Ministrisë së Jashtme Federale të Republikës Federale të Gjermanisë."